



SOALAN LAZIM (FAQ) SUMBANGAN TUNAI RAHMAH (STR) 2023

A. PENGENALAN

1. S: Apakah Sumbangan Tunai Rahmah (STR)?

J: STR adalah salah satu inisiatif di bawah konsep Payung Rahmah yang bertujuan untuk membantu golongan yang kurang berkemampuan dalam menghadapi cabaran kos sara hidup.

2. S: Siapakah yang layak menerima STR?

J: Pemohon layak menerima STR sekiranya memenuhi kategori kelayakan seperti berikut:

i. Isi Rumah

- Kahwin; atau
- Ibu atau Bapa Tunggal / Balu / Janda / Duda yang mempunyai anak yang menepati syarat; dan
- Pendapatan Isi Rumah adalah RM5,000 dan ke bawah.

ii. Warga Emas Tiada Pasangan

- Bujang atau Ibu atau Bapa Tunggal / Balu / Janda / Duda yang tidak mempunyai anak yang menepati syarat; dan
- Had umur adalah 60 tahun dan ke atas; dan
- Pendapatan Isi Rumah adalah RM5,000 dan ke bawah.

iii. Bujang

- Bujang atau Ibu atau Bapa Tunggal / Balu / Janda / Duda yang tidak mempunyai anak yang menepati syarat; dan
- Had umur adalah 21-59 tahun; dan
- Pendapatan Bujang adalah RM2,500 dan ke bawah.

Nota : Individu bujang berumur 21 tahun dan ke atas yang masih belajar sepenuh masa di Institusi Pengajian Tinggi Awam / Swasta hanya dibenarkan untuk dimasukkan ke dalam maklumat anak / tanggungan permohonan isi rumah dan tidak dibenarkan membuat permohonan sebagai individu bujang.

3. S: Bilakah permohonan STR akan dibuka?

J: Permohonan STR boleh dibuat:

- Secara dalam talian mulai 01 Mac 2023 - 31 Mac 2023
- Secara borang kertas mulai 08 Mac 2023 - 31 Mac 2023

*Tertakluk kepada pindaan dari semasa ke semasa

B PEMBAYARAN

4. S: Berapakah jumlah bayaran asas STR yang akan diterima?

J: Jumlah bayaran yang akan diterima adalah seperti berikut:

Kategori Bantuan	Pendapatan	Bilangan Anak / Nilai Bantuan			
		0	1-2	3-4	≥5
Isi Rumah	RM2,500 dan ke bawah	RM1,000	RM1,500	RM2,000	RM2,500
	RM2,501 - RM5,000	RM500	RM750	RM1,000	RM1,250
Warga Emas Bujang / Tiada Pasangan	RM5,000 dan ke bawah	RM600			
Bujang	RM2,500 dan ke bawah	RM350			

5. S: Bilakah tarikh pembayaran Sumbangan Tunai Rahmah (STR) akan dibuat?

J: Pembayaran STR akan dilaksanakan seperti berikut:

Bil.	Fasa Pembayaran	Tarikh Pembayaran
1	Fasa 1	Bermula 17 Januari 2023 secara berperingkat
2	Fasa 2	April*
3	Fasa 3	Julai*
4	Fasa 4	November*

*Tertakluk kepada pindaan dari semasa ke semasa

6. S: Bagaimanakah kaedah bayaran STR dilaksanakan?

J: Kaedah pembayaran STR adalah seperti berikut:

i. Kredit ke Akaun Bank

Pembayaran akan dikreditkan ke akaun bank penerima / pasangan secara berperingkat.

ii. Tunai di Kaunter Bank Simpanan Nasional (BSN)

Pembayaran akan dilakukan secara tunai sekiranya:

- Tiada maklumat akaun bank
- Status pengkreditan gagal kredit

7. S: Siapakah layak terima kadar tambahan RM600 STR?

- J: Kadar tambahan STR berjumlah RM600 dikhususkan kepada penerima isi rumah yang telah dikenal pasti berada dalam kategori miskin tegar. Kelayakan kadar tambahan ini terhad kepada:
- i. penerima isi rumah yang tersenarai sebagai Miskin Tegar dalam rekod data e-Kasih; dan
 - ii. mestilah berpendapatan isi rumah tidak melebihi PGK Miskin Tegar RM1,169 berdasarkan semakan silang agensi pendapatan

8. S: Bagaimanakah kaedah penyaluran sumbangan kadar tambahan STR?

- J: Sumbangan ini akan disalurkan dalam bentuk bakul makanan dan juga secara baucar untuk barangan makanan asas bernilai RM100 bagi tempoh 6 bulan.